



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

54 Mortuo delegante, an expiret jurisdictio.

**urn:nbn:de:hbz:466:1-10316**

non possunt, nisi prius ab eisdem, tanquam Sedis Apostolicæ delegatis, summarie tantum, & extrajudicialiter cognoscatur, expressas preces subreptionis, vel obreptionis vitio non subiacere. concil. Trid. cap. 5. de reformat. sess. 22. & decretum illud, quod solet in litteris dispensationum matrimonialium poni, ut nihil muneris, aut præmii, etiam sponte oblato, accipi possit pro illarum executione, ita intelligendum est, ut neque Ordinarius ipse, neque vicarius ejus, quidquam profusus, etiam pro mercede laboris, quem in ea re susceperent, capere possint, notarii verò pro examine testium quartam aurei, seu ducati partem licite accipere valent, nec ultra ratione taxæ etiam ab immemorabili tempore, nec ratione sigilli, vel alterius rei, & ita declaravit Greg. Papa XIII. ut in decis. sacri conc. super eo. c. 5. sess. 22. §. cognoscatur, & §. notarii verò, ubi congregatio etiam ita decidit.

50 In commutationibus ¶ ultimarum voluntatum auctoritate Apostolica concessarum, Episcopi eadem auctoritate, tanquam Sedis Apostolicæ delegati, summarie, & extrajudicialiter cognoscere debent, an in precibus quidquam, tacita veritate, vel suggesta fallitate, fuerit narratum, priusquam commutationes executioni demandentur. conc. Trid. cap. 6. ead. sess. 22.

51 In litteris Apostolicis ¶ informa, si in evidentem, & monitorialibus pro occultis, Apostolica auctoritate concessis, Ordinarii pro illarum executione delegantur, & in omnibus causis, & casibus, tam gratiam, quam justitiam concernentibus, quæ à sede Apostol. Episcopis committuntur,

auctoritate delegata procedunt, ut tot. tit. de off. de leg.

Jurisdictio enim delegati, ubi causæ cognitio requiritur, ¶ per solam citationem perpetratur. c. gratum, & gloss. in cap. relatum. exi. de off. de legat. clem. 2. & ibi glo. in vers. ad partem. & Abb. n. 6. ut lit. pend. sed ad inducendam litis pendentiam non sufficit citationem emanasse, quia requiritur etiam, quòd pervenerit ad partem, ut per eandem gl. & Abb. ubi supr. Felyn. in cap. causam, qua. il. 2. num. 19. de test. & Guido pap. q. 421. num. 2. ¶ & tunc, mortuo delegante, non expirat jurisdictionis delegati, quia res non est integra. c. relatum. & cap. licet ext. de off. delegat. alias, mortuo delegante ante citationem, & re integra, regulariter expirat jurisdictionis delegati. d. cap. relatum. ubi etiam Abb. num. 6. & cap. licet. de off. deleg.

Propterea, ut expensis parcatur; & ne negotia in omnibus mundi partibus, in quibus delegationes Apostolicæ transmittuntur, differantur, quilibet Papa ¶ crastino die assumptionis suæ ad Summ. Apostolatus apicem, quo Regulas Cancellariæ nuncupatas edit, per peculiarem constitutionem inter alias regulas connumerata, omnes, & singulas à prædecessore suo intra annum ante diem obitus ejus concessas gratiæ, vel justitiæ litteras, temporibus debitis eorum executoribus non præsentatas, omnino revalidat, & in statum pristinum in quo ante fuerant, vel pro quibus erant obtentæ, quoad hoc plenarie restituit, ac decernit per executores prædictos, vel ab eis subdelegandos, perinde ad illarum executionem procedi posse, & debere, ac si executio hujusmodi temporibus prædictis inchoata fuisset,



fuisse, ut in Clementia Papa VIII  
reg. 9.

55 Debetque citatio delegati fieri cum  
insertione tenoris rescripti, quia, nisi cita-  
tus de sedis Apost. delegatione certioratur,  
non tenetur comparere. c. cum in iure, de  
off. deleg. Innoc. in c. praterea. nu. 1. & ibi

56 Holt. de dilat. utrum verò si delegatio  
transeat ad successorem, est distinguendum  
quia, aut est facta Dignitati, aut nomine  
proprio expresso, primo casu, delegatio facta  
Dignitati transit ad successorem in  
Dignitate, si verò est facta proprio nomi-  
ne in litteris delegationis expresso, tunc  
non transit ad successorem in Dignitate.

c. quoniam Abb. & ibi glo. in ver. substitu-  
tum, & Abb. n. 3. & 7. de off. deleg. si Delega-  
tus enim Papæ, vel alterius Principis habet  
privilegium à lege, ut possit subdelegare.

c. pastoralis ubi etiam Abb. nu. 1. eod. tit. &  
57 l. à judi. C. de jud. & est ratio, si quia in causa  
delegata delegatus est major quocunque  
Ordinatio. l. fin. § pen. in ff. de dama. inf.  
cap. sane. il. 2. de off. deleg. & cap. pastoralis.  
de off. Ord. cum Ordinatus possit multò  
fortius delegatus Papæ, vel principis, pote-  
rit subdelegare, & pluribus casibus am-  
pliatur, & limitatur dicta regula, ut per  
Felyn. in c. super quest. n. 12. & 13. ubi quan-  
do subdeleg. possit etiam subdelegare de  
off. deleg. & Abb. in c. cum Bertold. nu. 25. de  
re. judic.

Delegatam jurisdictionem à lege ha-  
bent Episcopi in pluribus casibus: Et  
59 primò, si Abbates negligentes fuerint in  
habenda lectione sacræ scripturæ, aut in  
monasterijs monachorum, ubi commode  
id fieri potest, si nullus, cui lectio quoque  
assignata fuerit, magister erit electus, Epi-  
scopi si locorum uti Sedis Apostolicæ de-

legati, eos ad id opportunis remedijs com-  
pellere possunt. cap. 2. de magister. conc.  
Trid. cap. 1. vers. qua in re. de reform. sess. 5.  
& sacra cong. conc. super eo. c. 1. in decis.  
sub. tit. Burgen.

61 Secundo, contra si prædicatores erro-  
res, aut scandala disseminantes in populum,  
etiamsi in monasterijs suorum, aut alio-  
rum ordinum prædicent, & si hæreses  
prædicaverint, contra eos secundum juris  
dispositionem, aut loci consuetudinem,  
etiamsi prædicatores ipsi generali, vel spe-  
ciali privilegio exemptos esse prætendant,  
Episcopi auctoritate Apostolica, & tan-  
quam Sedis Apostolicæ delegati, procedere  
possunt. conc. Trid. c. 2. vers. si verò, quod  
absit. de reform. ead. sess. 5.

62 Tertio, ne parochiales ecclesiæ, aut alia  
beneficia personalem residentiam requi-  
rentia suis debitis defraudentur obsequijs,  
indultis, & dispensationibus de non resi-  
dendo minime obstantibus, officium est  
Episcoporum, tanquam Sedis Apostolicæ  
delegatorum, providere, ut per deputatio-  
nem idoneorum vicariorum, & congruæ  
portionis fructuum assignationem, anima-  
rum cura nullatenus negligatur, quocun-  
que privilegio, aut exemptione, non ob-  
stante cap. cum ex eo. §. porro. de elec. in 6.  
Conc. Trid. in c. 2. sess. 6. de reform. & sess. 7.  
c. 5. & c. 7.

63 Quarto, si nemo secularis clericus,  
aut cujusvis ordinis regularis, extra mo-  
nasterium degens, etiam sui ordinis  
privilegij prætextu, tutus esse potest, quo-  
minus, si deliquerit, ab Episcopo loci, tan-  
quam super hoc à Sede Apostolica de-  
legato, secundum canonicas sanctiones,  
visitari, puniri, & corrigi valeat. concil.  
Trident. c. 3. ead. sess. 6. c. 4. de refor. sess. 14.

Bb 3 & sacra